

涉縣志卷二

知縣戚學標重修

建置類

城池

涉舊係土城明嘉靖辛丑冬始易爲石週圍三里零九十五步高三丈五尺底濶二丈五尺南北二門二敵樓四角樓四窩舖一千九十七磚堞壕深一丈五尺濶三丈馬道濶一丈二尺知縣楊綸奉文建邑人王科有記見藝文志萬歷六年知縣段愛

涉縣志

卷二

建置

一

民於北門內創立重門土建樓三間以壯觀瞻崇正六年因流寇亂憲副常行文挨城築樓八座自明季迄

國朝歷年既久敵樓盡頽女牆殘缺南門甕圈亦圯康熙五十年知縣黃澤通加繕葺重建城樓三座北曰承恩南曰廣濶東曰迎暉增置窩舖六處雍正六年又於城中東西街增置窩舖二處

按涉 舊城相傳在清涼村今城不知何時始築世有涉陀城之稱後人因疑涉自古地爲晉大夫涉

陀封邑并牽左傳定七年齊侯衛侯盟於瑣注瑣  
卽沙也之語以實之考齊衛同盟之沙自在今大  
名元城與此無與而沙之改名涉明見漢書當春  
秋時無所謂涉也且春秋之晉有盟衛侯之涉陀  
復有叛趙鞅之涉賓今境內有趙簡子城俱可從  
而附會之矣竊以涉地在唐末屬澤潞李克用據  
之而邢洺磁等州皆爲朱溫有正當梁晉兩國接  
境克用父子本沙陀種當時以沙陀呼之涉城或  
其所築以禦朱溫人因號爲沙陀城明邑令任澄

清咏土龜詩所謂秀結沙陀式廓垂是也其訛爲  
涉陀城者以涉本古沙縣後人或稱涉或稱沙彼  
此牽互致誤耳縣境有唐王山并青頭山上觀營  
殿御寨皆後唐莊宗伐梁時至此遺跡可以互証  
較黎人張昇竟指今縣爲春秋涉陀封邑者其言  
固稍有據依矣

公署

知縣署在縣城南街之西歷代相仍元末燬於兵明  
洪武三年署縣吳得誠因故址重建萬歷二十六

年知縣李天柱重修几正堂三間傍廳二間今為庫房

幕廳三間今為收糧所二堂五間外為儀門三間又外

為大門舊三間知縣闕康熙五十年知縣黃澤俱

重修

知縣宅在二堂之後有三堂三間四堂五間皆連正堂二堂

稱而又後樓三間四堂之東為古柏堂柏高十餘丈

二三百物也柏下有池四傍甃石翼以欄杆萬

歷間知縣任澄清引渠水入其中其前為花廳宴

賓之所後為馬號三堂之西則廚房在焉乾隆三

涉縣志

卷二 建置

十年知縣吳爽五十五年知縣余光祿疊加修理

鑾駕庫在縣宅三堂東藏儀仗之物備迎詔之用知

縣任澄清置久廢

寅賓館在儀門西知縣刁良建今圯

庫樓在正堂東今改為更樓

六曹房在正堂兩廊東吏戶禮架閣倉房附西兵刑工承發柬房附

禁獄在大門內之西

戒石亭在甬道中今圯知縣黃澤重建為木坊

獎善亭在大門東

申明亭在大門西正德中知縣劉搏建知縣李天柱  
重修

典史署在正堂西

察院署在東街正德五年知縣張禮建久廢

按察司署在城隍廟東洪武初建久廢

府館在大街東今廢

巡檢司署初在縣北三十里偏店鎮嘉靖間移西南

吾兒峪

稅課局在南街東洪武十五年知縣孫文建久廢

涉縣志

卷二

建置

四

陰陽學在南街洪武十七年訓術孫光遠建

醫學在大街東洪武中建萬歷十年修今廢

僧會司在縣南隅妙覺寺

道會司在清涼觀

街道

大街一道

東西街二道

南北街二道

察院街一道

民壯營一道

以上明舊志所載

城北大路知縣黃澤開先是由東偏行路甚欹仄乃改從北走起龍山嶺訖顛緣岡濶丈有奇岡上悉磬石知縣趙萬里楊霆並嘗修之

河南店村西大路通山西其地西臨高堰東則巨壑中有傾陷危徧處僅容单人隻騎行者苦之乾隆戊辰里人率貲平治始爲坦途縣尉吳汝楫有記東嶺下路由林旺至達城漳流旋折中橫巨嶺行者非踰嶺莫達寸步皆險仄里人於春月漳水淺時

涉縣志

卷二

建置

五

就嶺下壘石爲路并鑿石爲堰障水令不致衝齧積數年始成任翰林中柱爲碑記

故縣南嶺路在故縣村其路通林縣甚捷鳥道崎嶇僅可容足有盤陽張姓者創議與村人修而闢之始修嶺時離村遠工匠苦之水禱於山神忽甘泉迅湧取用不竭訖工泉亦頓竭咸以爲异里人崔文華爲文記其事

此路係張姓曰順成首功而本村江俊桂東郊申文元與有力

更樂至張家庄路凡二十餘里悉危崕仄徑難以置足人畜顛墜比歲有之監生李素存出貲開鑿修

平險仄自是往來行人便之

坊表

節用坊在縣治東

愛民坊在縣治西俱明知縣許文獻建知縣段愛民  
修 國朝知縣楊以兼又重修

靈應伯坊在城隍廟前邑人王榮先等建

拱辰坊在北關

貞肅坊在察院街西明署縣教諭李嘉謨建

騰蛟坊在大街爲舉人王靚立

涉縣志

卷二

建置

六

黃門坊在大街左爲給事中王科建

登科坊在大街西爲舉人李學建

廷尉坊在大街爲大理少卿李棟立

父子繡衣坊在大街爲御史李棟父子立

柱史坊在西街爲贈監察御史李紹立

賓興坊爲舉人王科立今圯

恩榮坊爲進士王科立

賓興坊爲舉人申鏞立

文光坊爲舉人廖廷立

昂霄坊爲舉人姚俊英立俱圯

承芳坊在原曲村爲進士周禹立

旌義坊在溫村爲義官李榮立

欽獎好義坊在北關爲義官王金立

雙孝坊明天啟八年爲孝子楊如桂夫婦立

節孝坊在馬佈村爲康奪粹妻立

節烈坊在連泉爲張氏李貴甫妻立氏爲惡棍史耀所劫拒奸致殺遇禍甚慘

鄉村

胡峪約所至縣八里附村三曰楊家庄曰石槽隴曰

卸甲

連泉約所至縣二十里附村一曰老張村

原曲約所至縣二十五里附村六曰石牛口曰屏上

曰灰底曰銀礦曰黃岩曰郝家庄

故縣約所一名固縣至縣三十里附村二曰匡門曰

招義

西達城約所至城五十里附村八曰大峯曰河口曰

牛家庄曰席家庄曰關防曰臺凹曰牧牛池曰前

匡門

東達城約所至縣五十五里附村十二曰竇家灘曰  
甘泉曰史家庄曰温家岡曰臺庄曰合漳曰臺家  
口曰交口曰丁岩曰石梯曰太倉曰田家嘴  
嶺底約所至縣七十里附村二曰宋家庄曰瓦池  
白芨約所至縣八十里附村四曰東西蛟曰大港曰  
張家頭曰黃路口

以上東路大小共四十六村

七原約所

古延  
福村

至縣八里附村十曰彈音曰懸鐘曰

工後門曰陳家庄曰高家庄曰石家庄曰楊家庄

涉縣志

卷二

建置

八

曰磨池曰温家庄曰太平庄

索堡約所至縣二十五里無附村

温村約所至縣二十里附村二曰李家庄曰小常樂

常樂約所至縣二十五里附村七曰桃城曰峪裏曰

田家會曰靳家會曰塔兒庄曰半蛟曰活水蛟

石門約所至縣三十三里附村六曰新橋曰韓家庄

曰郝家庄曰蘇家庄曰石家窑曰東西蛟

遼城約所至縣四十三里附村十三曰曲里

本古  
豐里曰

東遼城曰劉家庄曰賈家庄曰汚犢曰魏家灣曰



南坡曰屏上曰郭家曰汚犢腦曰毛嶺底曰來家  
庄曰張家庄

以上西路大小四十四村

河南店約所至縣二里山村一曰楊家山

南庄約所至縣二里附村四曰椿樹嶺曰流星曰碧

水曰薛寺

會裏約所至縣八里無附村

河頭約所至縣十里附村五曰嶺後曰江家庄曰寬

漳曰趙家河曰小漳村

涉縣志

卷二

建置

九

响堂舖約所即吾兒峪至縣二十里無附村

以上南路大小十五村

南岡約所至縣五里附村七曰曹家庄曰何家庄曰

王家庄曰西灣曰南蠻駝曰古臺村

北岡約所至縣八里附村五曰趙家曰郝家曰贊凹

曰龍耳街曰小車

井店約所即古青店至縣二十里附村九曰黃金庄曰鶯

哈井曰玉林井曰拐裏曰曹家庄曰王家庄曰礦

腦曰東坡曰北蛟

臺村約所至縣十五里附村五曰南溝曰白甘水曰  
西岡曰池耳街曰廟岐

更樂約所古上黨村至縣十五里附村八曰趙家西坡曰

劉家東坡曰張家庄曰滿柿口曰禪房曰下庄曰  
前梁家岩曰大窩村

西戍約所至縣五十里附村八曰前後西峪曰没井  
曰史家庄曰摘纓岐曰邱子峪曰土門 曰李家  
庄曰東西竇庄

馬佈約所至縣六十里附村三曰小井曰亂石岩曰

涉縣志

卷二

建置

十

沙岐

石泊約所一名石坡至縣五十里附村一曰大泉  
偏店約所至縣三十里附村五曰水溢河曰雞鳴舖  
曰宋家庄曰范家井曰鳳岡村

以上北路大小共六十村

城五舖約所共附村十一東路曰林旺曰石岡曰東  
岐曰大港曰段曲西路曰小曲岐曰西坡南路曰

神頭

俗稱沿頭卽古柏泉村

北路曰招岡曰沙河曰猛虎

俗名

龍虎村亦稱孟戶

散列村共十二東路曰寨上俗呼閣曰茨村曰庄上

西路曰上下清涼曰灘裏曰赤峴曰王堡北路曰

南北郭口曰東南寨曰陳平曰趙峪曰窑則俗名窑子

亦曰惟南路無

按涉舊制鄉置長一人擇有德望者爲之以約束一鄉之人兼平其曲直有公所如古所稱街彈之室鄉長聽之謂之約所其長卽名鄉約又有保長主縣差發之事大鄉或數人小村則設夫頭各就所附統於鄉約在城五舖約所亦各有附村又有

寨上等十二村舊名直隸村今改爲散列村其夫頭向不隸於約所或附在城某約下從其便無一定也凡鄉約保長夫頭各以歲更易聽其自舉報舊志除五舖外通二十七約所後增爲二十八舊轄共九十五村後析爲一百八十八具列如右

里社

乘雲一里 乘雲二里 乘雲三里

仙一里 仙二里

玉泉一里 玉泉二里 玉泉三里 玉泉四里

玉泉五里

龍山一里 龍山二里 龍山三里 龍山四里

龍山五里

符山一里 符山二里 符山三里

以上各里係舊時分設每里分十甲甲有催頭一人以歲更充大甲或二人專任催糧近又一甲中分有前某甲後某甲再某甲等名目雖過繁碎而所轄戶少則責成輕於事易集故官亦聽之惟玉四玉五二里向設總催二人不復按甲征比因俗爲治可矣不在更張也

涉縣志

卷一

建置

十二

市鎮

漳南鎮卽河南店距城二里

井店鎮距城二十里

偏店鎮距城三十五里

索堡鎮距城二十五里

故縣鎮距城三十里

在城集

達城集距城五十里

索堡集 以上舊名五鎮三集

井店集

偏店集

西戍集 以上三集新增

凡集鎮皆分日市本處人貿易日用之物揚子所謂一之 會市則他處商賈多有至者然

亦惟在城城 廟會 凡二次第一次三月初二日止二次

自四月十四日 西路頂上會 自三月初一日起十

起十六日止 及胡峪 村會以四月十七 更樂 村會

涉縣志

卷二

建置

十三

次第一次三月初六日起初九日止二次四月十

止 河南店 會以三月十六 等數會客貨頗集人衆

殷盛其餘會至者寥寥也

倉儲

常平倉在縣治西北隅即明預備倉故址舊有倉廩

四座年久頽圯僅存一座八間康熙三十三年知

縣左印奇奉文增廩房二十二間新舊共三十間

雍正三年知縣黃大成詳請添蓋三十間雍正六

年知縣嚴有禧奉文建餘房二間共計倉廩六十

二間

廣積倉卽義社倉在大坊西今圯

舖驛

南二舖曰神頭舖

曰響堂舖

接山西黎城界

北五舖曰北岡舖

曰井店舖

曰窑上舖

曰石

泊舖 曰猛虎舖

接武安界查舊舖路自井店至偏店雞鳴西戍沙河達武康

熙末有山西洪洞劉姓捐貲另修道路避偏店西戍之紆險改從窑上石泊一帶而行因之舖路亦改自外復有佛家店腰舖在磁州境則官自捐置以濟郵遞之力

驛馬原額一十六匹今存 匹

涉縣志

卷二

建置

十四

驛馬夫原額八名今存 名

遞送公文馬夫原額一名

走遞夫原額九名今存 名

皆乾隆二十四年裁減

塘馬二匹

塘馬夫二名

俱康熙四十八年裁

按涉舊磁州屬故一切郵遞必自武安先至磁州以達於府其後磁州改入直隸縣自隸府而舖路未改去郡二百九十里道途紆遠經閱兩省文報往往稽遲上司督過磁州又不任咎因於磁境佛

家店捐置腰鋪需用夫馬官自捐給隔屬難於稽  
察文報之稽如故遇上申要件皆專差馬夫直從  
磁境鬻城小路送府府有緊要公文亦徑發在郡  
聽事專差下送不復由鋪顧道路之遠往來皆仍  
須二日餘官既賠苦而上司猶以稽緩爲罪差提  
絡繹更需賫遣此亦涉之一大苦也

### 河渠

王公堤元延祐間縣尹王琚仁以城東南隅歲被河  
水衝激作堤一道防之今廢

涉縣志

卷二

建置

十五

永惠渠在故縣明知縣刁良開上流渠所經之地捐  
貲買置永爲官地民不許侵

任公渠明萬歷癸丑知縣任澄清開由七原山前引  
漳水入渠山前地頗高疏鑿深廣漸至平疇凡灌  
田三十餘頃至今賴之其餘派引至北關入城穿  
泮池入縣衙從南門而出故道尙存 國朝嘉慶  
三年知縣戚學標因北關紳耆之請重挑復

柴公渠在漳河南岍知縣柴公 開利與任公渠畧  
相等所謂南北二渠也王可大有記

按涉之害莫甚於漳水涉之利莫大於河渠瀕河上下二三十村支分派別其爲渠道不止一處不盡官所開也每渠有輪充渠頭二人春加挑濬秋則計租凡水利所沾按地上下計沾水一弓出三弓之租爲工費遇旱分班灌溉不得換先皆渠頭之責惟城西之渠爲官渠無出租之例豪強或據水釀錢專利致爭官所宜禁也

### 池井

府館井在城隍廟前城內舊止四井半在僻巷居人

涉縣志

卷二

建置

十六

不敷綆汲康熙元年始開此井上覆石亭知縣田珂有記

營井在東營街

南井在妙覺寺側

北井在丁字券前

倉門井在文昌祠前

縣門井在縣治右別有井在馬號衙舍之用取給

遇林井

離井店八里相傳井店王姓遇江西林姓指示開鑿舊有萬歷間王良

南關井凡四



北關井凡二

餘不悉載

小海子在城東南隅文昌閣側城中地北高南下每大悉注於此瀦爲深淵有汪洋之觀

仁池在更樂村地處高阜不可以井取汲甚艱明萬歷間邑令金壇王公請於府動文本鄉社穀一百鄉民張尙禮等相地開鑿於是民用不乏號曰仁池後稍淤諸生劉之秦等又請於邑侯吳公可殿加開浚有萬歷二十二年邑人李秉謙及天啟甲子邑人李四端兩碑記

涉縣志

卷一

建置

十七

按涉地高水少西北一帶尤甚往往有掘地數十丈無水者天時亢旱遠至二十里外駝載居人至以水爲寶若有池井之處取汲不窮前人開鑿之功不可忘也故補志之

橋梁

東司橋在城東街

聚文橋在縣門西

郭口橋在縣東北六十里金明昌二年建里人慮山水漲溢運巨石以鐵椀之明成化四年知縣卜鏞

嘗重修

井店橋在縣二十里

萬壽橋在縣北二十五里近井店村明嘉靖間知縣李嘉臣建本爲土橋隆慶初鄉民王永等改建石橋高四丈濶二丈許長九丈上爲欄杆七架制巨而堅詳邑人李鰲記後圯康熙十三年里人王廷獻傅鐸等重修

偏店橋明成化間知縣徐廷錫建

鞏固橋在縣北西戎村澗河經其下石制頗堅登橋

涉縣志

卷二

建置

十八

而望南山一帶青靄如畫遙與符山相映

寧遠橋在馬術村西八里

萬善橋在窑子村康熙四十四年里人王洪仁僧寶壇等募建

桃城橋在縣北二十五里

駙馬橋在招岡

雙鳳橋在庄上

韓王橋在韓山下俗傳淮陰候駐兵處

馬家寨橋係古大路通山西橋甚堅固制亦巨

天橋在段曲

七原橋在縣北八里亦名鞏固橋

嶺底橋在縣東南七十里

通濟橋在縣北十里許

飛烟橋在縣北二十里奉聖寺前叅政張應登書

大乘橋在熊耳寺明知縣任澄清建

樂善橋卽漳河官渡夏月河水暴漲則撤去官設渡

船一隻船戶二十四名有官置地給令耕種寒則

建板橋歲資修理鄉民因共勸募出貲立橋社在

涉縣志

卷一

建置

十九

城五舖鄉約河南店社首分年經管夏拆冬成往  
來濟渡行人便之

庄上橋

招義橋

林旺橋

達城橋

合漳橋

以上五橋在東路

王堡橋

索堡橋

以上二橋在西路俱夏折冬成

按舊志止載石橋其板橋之架毀不時者悉畧不載不知涉境漳河流貫東西在在需濟夏月水漲橋不能容勢資船渡秋杪水落則船無所用非橋無以免褻裳之苦皆建置之不可緩者是固司土之責而居人一心共濟善士好義樂爲亦難以盡沒焉

雜建

惠民藥局在縣大街東明洪武時訓術郭從善建萬歷十年知縣劉啟坤重修

迎春亭在虎頭山下明知縣任澄清初建有月臺甬道廂房門樓傍栽松柳下蔭清泉每歲迎春將事於北黃贊善立極有記

育嬰堂在南關外康熙四十六年知縣黃澤奉文捐置房五間地五畝其地糧二斗納銀四錢官自賠納南關鄉約司其事

普濟堂在南關明時有養濟院在十字街東久廢改建堂於此官置田畝發民耕種歲入穀石以贍貧老嗣後上司又有交官發鹽當各商生息銀兩爲

貧令所侵用嘉慶元年知縣戚學標以堂毀壞詳請修建墊捐銀兩生息如舊

漏澤園在北關外

義塚邑舊無之康熙四十四年署涉縣事武安縣知縣黃之孝詳請捐俸於各鄉置地七十一畝以作義塚其詳文及原地主姓名畝數俱有碑記計地糧共該二石六斗二升九合應納銀三兩九錢一分知縣黃澤開入官戶官爲封納